



Innkalling av Råd for menneske med nedsett funksjonsevne

Møtedato: 19.04.2021
Møtestad: Teams
Møtetid: 12:00 - 15:30

Eventuelle forfall må meldast til Nora Gjerde epost: nora.gjerde@alver.kommune.no

Varamedlemmer møter berre etter nærare avtale.

Det vert felles orienteringsmøte for eldrerådet/råd for menneske med nedsett funksjonsevne og ungdomsrådet kl. 12.00. Deretter går råda i eigne møte for vedtakssaker.

Sakliste

Saknr	Tittel
015/21	Godkjenning av innkalling og sakliste
016/21	Godkjenning av møteprotokoll – 08.mars 2021
017/21	Tiltak for meir kostnadseffektiv drift i helse og omsorg - oppfølging av PwC-rapport
018/21	Detaljregulering for Langeland B5, gbnr. 3244 m.fl. - Offentleg ettersyn og høyring
019/21	Endring av Del III - Forskrift om sals-, skjenke- og opningstider i Alver kommune - Sal og utlevering av alkoholhaldig drikk bokstav b
020/21	Temaplan for friluftslivets ferdselsårer - oppstart
022/21	Oppretting av prisar til kultur, idrett og frivilligheit i Alver kommune - NY BEHANDLING
021/21	Meldingar og orienteringar til RMNF - 19.04.2021

13. april 2021

Magne Bjørndal
møteleiar

Nora M. K. Gjerde
møtesekretær

Arkiv: <arkivID>
JournalpostID:
Sakshandsamar:
Dato: 12.04.2021

Saksframlegg

Saksnr.	Utval	Møtedato
015/21	Råd for menneske med nedsett funksjonsevne	19.04.2021

Godkjenning av innkalling og saksliste

Innkalling og saksliste vert godkjent.

Arkiv: <arkivID>
JournalpostID:
Sakshandsamar:
Dato: 12.04.2021

Saksframlegg

Saksnr.	Utval	Møtedato
016/21	Råd for menneske med nedsett funksjonsevne	19.04.2021

Godkjenning av møteprotokoll

Møteprotokollen vert godkjent.

Vedlegg i saken:

12.04.2021 Møteprotokoll for RMNF - 08.03.2021 1541414



Møteprotokoll for Råd for menneske med nedsett funksjonsevne

Møtedato: 08.03.2021
Møtestad: Teams
Møtetid: 12:00 - 15:30

Det var felles orienteringsmøte for ER/RMNF/UR kl. 12.00. Deretter gjekk råda kvar til sitt for handsaming av vedtakssaker.

Frammøtte medlemmer	Parti	Rolle
Sølvi Gripsgård Knudsen	SP	Medlem
Else Marie Skartveit Dale	KRF	Medlem
Jan Arild Lindaas	SAFO	Medlem
Reidar Knutsen	SAFO	Medlem
Svein Arne Vabø	SAFO	Medlem
Liv Erstad	FFO	Medlem
Magne Bjørndal	FFO	Utvallsleiar
Bente Orlen Westervik	FFO	Medlem
Jannicke Helland	FFO	Medlem

Følgjande frå administrasjonen møtte:

Helge Kvam-fagansvarleg Helse og omsorg, Hogne Haugsdal-kommunalsjef, Ingrid Raniseth-rådgjevar Planforvaltning, Kristin Nåndal-tenesteleiar Plan og analyse, Leni Dale-kommunalsjef, Merethe Tvedt-rådgjevar Planforvaltning, Kristin Moe-kommunalsjef, Nora Gjerde-sekretær.

Sakliste

Saknr	Tittel
008/21	Godkjenning av innkalling og sakliste
009/21	Godkjenning av møteprotokoll
010/21	Rullering av planstrategi 2020 - 2023 Alver kommune
011/21	Forslag til detaljregulering med konsekvensutgreiing for fv. 564 Fløksand-Vikebø - offentlig ettersyn
012/21	Fondsvedtekter - Fond for kommunalt følgje på ferie og fritidsreise for personar med nedsett funksjonsevne
013/21	Reguleringsplan for Fv. 57 med gang- og sykkelveg Lindås tettstad - Mongstad - 2. gongshandsaming - ny høyring

014/21 Meldingar og orienteringar i RMNF 08,03,2021

008/21: Godkjenning av innkalling og saksliste

Innkalling og saksliste vert godkjent.

Råd for menneske med nedsett funksjonsevne 08.03.2021:

Behandling:

Ingen merknader, samrøystes.

RMNF- 008/21 Vedtak:

Innkalling og saksliste er godkjent.

009/21: Godkjenning av møteprotokoll

Møteprotokollen vert godkjent.

Råd for menneske med nedsett funksjonsevne 08.03.2021:

Behandling:

Møteprotokoll frå møte - 01.02.2021 vert godkjent, samrøystes.

RMNF- 009/21 Vedtak:

Møteprotokoll frå møte - 01.02.2021 er godkjent.

010/21: Rullering av planstrategi 2020 - 2023 Alver kommune

Rådmannen sitt framlegg til vedtak

Alver kommunestyre godkjenner framlegg til endringar i planstrategi 2020 -2023 for Alver kommune.

Ungdomsråd 08.03.2021:

Behandling:

Orietering i saka under felles orienteringsmøte for RMNF, UR og ER

UR- 013/21 Vedtak:

Tatt til orientering

Samrøystes vedteke

Råd for menneske med nedsett funksjonsevne 08.03.2021:

Behandling:

Ingen merknader, samrøystes.

RMNF- 010/21 Vedtak:

Ingen merknader.

011/21: Forslag til detaljregulering med konsekvensutgreiing for fv. 564 Fløksand-Vikebø - offentlig ettersyn

RÅDMANNEN SITT FRAMLEGG TIL VEDTAK:

«I medhald av plan- og bygningslova § 12-11, og i høve delegert mynde, legg Utval for areal, plan og miljø følgjande forslag til reguleringsplan ut til offentlig ettersyn:

Fv. 564 Fløksand-Vikebø, gnr. 305, bnr. 142 mfl. Plan-id 1256 2016 0010, vist på

plankart sist datert 24.08.20 , med tilhøyrande føresegner datert 11.08.20, når

følgjande endringar er gjort:

- måloppnåing i forhold til forvaltningsplanen for Rylandsvassdraget må omtalast i planskildringa
- mindre endringar i plankartet må rettast

Utval for areal, plan og miljø ber om at det fram mot 2. gongs handsaming av planforslaget vert sett nærare på følgjande forhold ved planen:

- konsekvensane av å redusere rabatten mellom gang/sykkelveg og køyreveg i partiet ved Rylandsvassdraget skal vere vurdert i høve om det kan dempe skjeringane/fyllinga langs dette strekket»

Utval for areal, plan og miljø 11.11.2020:

Behandling:

Orientering til saka frå Vestand Fylkeskommune v/Ingar Hals-prosjektleder

Rådmanne sitt framlegg vart samrøystes vedteke.

Framlegg frå Anne Grete Eide-Åp:

Tillegg til rådmannen sitt framlegg:

Planen blir sendt tilbake for å legge inn A1 og A2 som alternativ vegtrase før den blir lagt ut på offentleg høyring.

Framlegget vart samrøystes vedteke.

APM- 149/20 Vedtak:

«I medhald av plan- og bygningslova § 12-11, og i høve delegert mynde, legg Utval for areal, plan og miljø følgjande forslag til reguleringsplan ut til offentleg

ettersyn:

Fv. 564 Fløksand-Vikebø, gnr. 305, bnr. 142 mfl. Plan-id 1256 2016 0010, vist på

plankart sist datert 24.08.20 , med tilhørende føresegner datert 11.08.20, når følgende endringer er gjort:

- måloppnåing i forhold til forvaltningsplanen for Rylandsvassdraget må omtalast i planskildringa
- mindre endringer i plankartet må rettast

Utval for areal, plan og miljø ber om at det fram mot 2. gongs handsaming av planforslaget vert sett nærare på følgjande forhold ved planen:

- konsekvensane av å redusere rabatten mellom gang/sykkelveg og køyreveg i partiet ved Rylandsvassdraget skal vere vurdert i høve om det kan dempe skjeringane/fyllinga langs dette strekket»

Planen blir sendt tilbake for å legge inn A1 og A2 som alternativ vegtrase før den blir lagt ut på offentleg høyring.

Ungdomsråd 08.03.2021:

Behandling:

Orientering i saka under felles orienteringsmøte for RMNF, UR og ER

UR- 014/21 Vedtak:

Tatt til orientering

Samrøysted vedteke

Råd for menneske med nedsett funksjonsevne 08.03.2021:

Behandling:

Fellesframlegg:

Rådet merkjer seg at det i eitt av alternativa er søkt om dispensasjon frå kravet om at gang- og sykkelveggar skal ha maksimalt 5% stigning. Vi oppmodar om at ein veljer ei løysing som gjer at ein følgjer gjeldande krav, og unngår ein slik dispensasjon.

Framlegget vart samrøystes vedteke.

RMNF- 011/21 Vedtak:

Rådet merkjer seg at det i eitt av alternativa er søkt om dispensasjon frå kravet om at gang- og sykkelveggar skal ha maksimalt 5% stigning. Vi oppmodar om at ein veljer ei løysing som gjer at ein følgjer gjeldande krav, og unngår ein slik dispensasjon.

012/21: Fondsvedtekter - Fond for kommunalt følgje på ferie og fritidsreise for personar med nedsett funksjonsevne**Rådmannen sitt framlegg til vedtak:**

Kommunestyret godkjenner fondsvedtekter – Fond for kommunalt følgje på ferie- og fritidsreise for personar med nedsett funksjonsevne punkt 1 – 9 jamfør vedlegg.

Vedtekter skal vere del av evalueringsrapport for prøveordninga for retningslinje for kommunalt følgje på ferie- og fritidsreise for peronar med nedsett funksjonevne 2021-2022.

Ungdomsråd 08.03.2021:**Behandling:**

Orientering i saka under felles orienteringsmøte for RMNF, UR og ER

UR- 011/21 Vedtak:

Tatt til orientering.

Samrøystes vedteke

Råd for menneske med nedsett funksjonsevne 08.03.2021:

Behandling:

Framlegg frå Reidar Knutsen-SAFO:

Ved etablering av ferieretningslinjer bad RMNF om at Alver kommune dekkar ekstrakostnad til løn, men dette vart ikkje teke inn. Prosjektgruppa sine eksempel viste svært høge ekstrakostnader for dei som treng kommunalt følgje, og 2.500,- per kommunalt tilsett per tur vil dekke ein svært liten del. RMNF er redd nesten ingen vil ha økonomi til å nytta tilbodet, og at det meste av fondet difor vert ståande ubrukt. Difor ber RMNF om at det maksimale tilskotet aukast, og vert sett til inntil 10.000,- per kommunalt tilsett per tur.

Framlegget vart samrøystes vedteke.

RMNF- 012/21 Vedtak:

Ved etablering av ferieretningslinjer bad RMNF om at Alver kommune dekkar ekstrakostnad til løn, men dette vart ikkje teke inn. Prosjektgruppa sine eksempel viste svært høge ekstrakostnader for dei som treng kommunalt følgje, og 2.500,- per kommunalt tilsett per tur vil dekke ein svært liten del. RMNF er redd nesten ingen vil ha økonomi til å nytta tilbodet, og at det meste av fondet difor vert ståande ubrukt. Difor ber RMNF om at det maksimale tilskotet aukast, og vert sett til inntil 10.000,- per kommunalt tilsett per tur.

013/21: Reguleringsplan for Fv. 57 med gang- og sykkelveg Lindås tettstad - Mongstad - 2. gongshandsaming - ny høyring

RÅDMANNEN SITT FRAMLEGG TIL VEDTAK:

«I medhald av plan- og bygningslova § 12-11, og i høve delegert mynde, legg Utval for areal, plan og miljø følgjande forslag til reduleringsplan ut på ny høyring: Fv. 57 med gang- og sykkelveg Lindås tettstad - Mongstad, PlanID. 1263 201407, vist på plankart sist datert 4.12.2020 og med tilhøyrande føresegner av revisjonsdato 4.12.2020».

Utval for areal, plan og miljø 03.02.2021:

Behandling:

Orientering til saka ved Vigdis Berge-Multiconsult
Rådmannen sitt framlegg vart samrøystes vedteke.

APM- 018/21 Vedtak:

«I medhald av plan- og bygningslova § 12-11, og i høve delegert mynde, legg Utval for areal, plan og miljø følgjande forslag til reguleringsplan ut på ny høyring: Fv. 57 med gang- og sykkelveg Lindås tettstad - Mongstad, PlanID. 1263 201407, vist på plankart sist datert 4.12.2020 og med tilhøyrande føresegnar av revisjonsdato 4.12.2020».

Ungdomsråd 08.03.2021:

Behandling:

Orientering i saka i fellesmøte UR, RMNF og ER

UR- 012/21 Vedtak:

Tatt til orientering.

Samrøystes vedteke

Råd for menneske med nedsett funksjonsevne 08.03.2021:

Behandling:

Fellesframlegg:

Rådet ser på dette som eit viktig prosjekt, ikkje minst ut frå omsynet til trafikktryggleik. Vi vonar det vert prioritert, og kan realiserast innan rimeleg tid. Vi går ut frå at gang- og sykkelvegen vert utforma i tråd med gjeldande krav til universell utforming, medrekna maksimal stigning på 5%.

Framlegget vart samrøystes vedteke.

RMNF- 013/21 Vedtak:

Rådet ser på dette som eit viktig prosjekt, ikkje minst ut frå omsynet til trafikktryggleik. Vi vonar det vert prioritert, og kan realiserast innan rimeleg tid. Vi går ut frå at gang- og sykkelvegen vert utforma i tråd med gjeldande krav til universell utforming, medrekna maksimal stigning på 5%.

014/21: Meldingar og orienteringar i RMNF 08.03.2021

Rådmannen sitt framlegg til vedtak:

Meldingar og orienteringar vert tekne til orientering.

Råd for menneske med nedsett funksjonsevne 08.03.2021:

Behandling:

Det vart lagt fram følgjande orienteringar i fellesmøte med ER/RMNF/UR:

1. Orientering om Helsehuset, planer og vidare utvikling v/Anne Hildegunn Færøy-Prosjektleder
2. Reguleringsplan for Fv. 57 med gang- og sykkelveg Lindås tettstad – Mongstad – 2.gongs handsaming ny høyring v/Vigdis Berge-Multiconsult
3. Økonomiplan 2021-24 – orientering om hovudtrekk i vedtak v/Hogne Haugsdal-kommunalsjef
4. Fondsvedtekter for feriereiser v/Helge Kvam-fagansvarleg Helse og omsorg
5. Rullering av planstrategi v/Kristin Nåmdal-tenesteleder Plan og analyse
6. Forslag til detaljregulering med konsekvensutgreiing for fv. 564 Fløksand – Vikebø - off. ettersyn v/Ingrid Raniseth-rådgjevar Planforvaltning
7. Status vaksining v/Leni Dale-kommunalsjef

Orienteringar frå RMNF:

Rådet valde Jannicke Helland-FFO som representant for Helsehuset si "Samsonegruppe for rus og psykiatri" med vararepresentant Liv Erstad-FFO.

Den 9. februar deltok Jannicke Helland, Erling Jacobsen og Magne Bjørndal på orienteringsmøtet om forskingsprosjektet "Promoting health and preventing illness through Early Integrated municipal Services for Sustainable Work Participation (EarlyWork). Dersom prosjektsøknaden vert innvilga, kjem ein attende til vidare medvekrnad frå rådet si side.

RMNF- 014/21 Vedtak:

Meldingar og orienteringar vert tekne til orientering.

Arkiv: <arkivID>
JournalpostID:
Sakshandsamar:
Dato: 08.04.2021

Saksframlegg

Saksnr.	Utval	Møtedato
	Alver formannskap	
020/21	Eldreråd	19.04.2021
015/21	Utval for helse og omsorg	20.04.2021
023/21	Ungdomsråd	19.04.2021
017/21	Råd for menneske med nedsett funksjonsevne	19.04.2021

Tiltak for meir kostnadseffektiv drift i helse og omsorg - oppfølging av PwC-rapport

Rådmannen sitt framlegg til vedtak:

Det vert starta opp eit 4-årig administrativt prosjekt for leiing, kvalitetsforbetring og ressurseffektiv drift i sektor helse og omsorg som rapporterer undervegs fagleg til utval for helse og omsorg og på økonomi til formannskapet.

Organisering av dag- og aktiviseringstilbodet for brukarar i habiliteringstenesta vert evaluert og samstundes vert det starta opp dialog med vekstbedrifter om mogleg utviding av tilbodet.

Auka tal avlastingsplassar til barn og unge ved Kvasten bustad og avvikle kjøp av plassar hjå private aktørar.

Politisk handsaming

Saka skal til uttale i eldrerådet, råd for menneske med nedsett funksjonsevne og ungdomsrådet.

Saka skal til innstilling i utval for helse og omsorg.

Saka skal avgjerast i formannskapet.

Bakgrunn

Rekneskapstal innrapportert til Kostra frå 2019 for dei tre kommunane Meland, Radøy og Lindås viser høge netto driftsutgifter til heimetenester. Tenestenivået er vidareført i Alver og kostratal for 2020 viser soleis same biletet.

Kostragrunnlaget skiljer ikkje mellom ordinære heimetenester, habiliteringstenester og psykisk helse og rus. Det er derfor vanskeleg å finne gode samanlikningsdata med andre kommunar og ein må då bruke andre data i tillegg for å lage gode samanlikningstal innan desse områda.

På denne bakgrunn vart det bestemt å få eit eksternt firma til å gjennomføre kartlegging og gjennomgang av tenestetilbodet i helse og omsorg med spesielt fokus på habiliteringstenester og psykisk helse og rus. Hensikten med arbeidet var å identifisere områder kor vi kan drive meir kostnadseffektivt og framleis yte lovpålagte tenester på ein forsvarleg måte. Kartlegginga vart gjennomført av PricewaterhouseCoopers (PwC) hausten 2020. Dei leverte sin rapport 11.01.21 som innheld gjennomgang, vurdering og handlingsplan for kort- og langsiktige tiltak for effektivisering og kostnadsreduksjon innan tenestekområda habilitering og psykisk helse og rus.

PwC presenterte rapporten for formannskap, utval for helse og omsorg og for leiarar og hovudtillitsvalde 12.01.21.

Saksopplysningar:

PwC har identifisert tiltak i rapporten som ikkje tilsvarar storleiken på innsparingane som er vedtatt i økonomiplan 2021-2024 for desse to tenestekområda. Dei fleste av tiltaka vil av omsyn til lov- og avtaleverk

krevje tid å få gjennomført og effekten av tiltaka vil først kunne vise seg om fleire år. Ein etablert praksis gjennom mange år for nivå og måten tenestene vert utført på, vil ta tid å endre. Det er mange tiltak som er føreslått som det ikkje er sett ein direkte innsparingssum på, men samla sett vil dette gje ein økonomisk gevinst og vera naudsynt for å kunne gjennomføre andre innsparingstiltak.

Arbeidet med tiltaka krev ein god og kvalitetssikra prosess der medverknaden bli ivaretatt. Av denne grunn vil rådmannen tilrå å prosjektorganisere store delar av dette arbeidet i eit administrativt prosjekt for leiing, kvalitetsforbedring og ressurseffektiv drift i sektor helse og omsorg. Dette prosjektet vil ta opp i seg dei fleste tiltaka i rapporten.

Hovudmål for prosjektet vil vere *Alver kommune skal gjennom leiing og kvalitetsforbetring sikre forsvarlege tenester og effektiv ressursutnytting.*

Prosjektet vil ha eit 4-årig perspektiv der det skal rapporterast fagleg til utval for helse og omsorg og på økonomi til formannskapet undervegs. Det skal utarbeidast årsrapportar for kva ein har oppnådd for kvart år prosjektet pågår. Strategiske avklaringar må gjerast undervegs og i eigne politiske saker der sakene er av prinsipiell karakter. Det er allereie starta forbetnings- og utviklingsarbeid innan fleire områder. Dette arbeidet held fram og skal ikkje endra framdrift som følgje av prosjektet, men rapportere til prosjektet.

Tiltak skildra i rapport som å avvikle Radøy interkommunale butiltak og samlokalisering andre avdelingar vert tatt opp til handsaming i eigne politiske saker. Samlokalisering krev bustader og investering. Det vil vere naturleg at dette vert tatt opp i arbeidet med bustadsosial handlingsplan som venteleg startar opp i 2022.

Vedlegg i saken:

10.04.2021	Rapport kartlegging av Helse og omsorg i Alver kommune	1539837
10.04.2021	Prosjektforslag - Prosjekt leiing kvalitetsforbetring og ressurseffektiv drift i sektor Helse og omsorg	1539838

Arkiv: <arkivID>
JournalpostID:
Sakshandsamar:
Dato: 30.03.2021

Saksframlegg

Saksnr.	Utval	Møtedato
016/21	Eldreråd	19.04.2021
018/21	Råd for menneske med nedsett funksjonsevne	19.04.2021
017/21	Ungdomsråd	19.04.2021

Detaljregulering for Langeland B5, gbnr. 3244 m.fl. - Offentleg ettersyn og høyring
Rådmannen sitt framlegg til vedtak:

Politisk handsaming

Saka skal til uttale i ungdomsråd, eldreråd og råd for menneske med nedsett funksjonsevne

Dokumenta til saka finn du her:

<https://www.alver.kommune.no/innhald/politikk-og-hoyringar/hoyringar-og-kunngjeringar/detaljregulering-for-langeland-b5---offentleg-ettersyn-og-hoyring/>

Vedlegg i saken:

08.04.2021	Detaljregulering for Langeland B5, gbnr. 3244 m.fl. - Offentleg ettersyn og høyring (L)(365455)	1539666
08.04.2021	18_vedtak-langeland-b5	1539665
30.03.2021	Notat til råda	1535906

Arkiv: <arkivID>
JournalpostID:
Sakshandsamar:
Dato: 24.03.2021

Saksframlegg

Saksnr.	Utval	Møtedato
017/21	Eldreråd	19.04.2021
019/21	Råd for menneske med nedsett funksjonsevne	19.04.2021
014/21	Utval for helse og omsorg	20.04.2021
	Alver kommunestyre	

Endring av Del III - Forskrift om sals-, skjenke- og opningstider i Alver kommune - Sal og utlevering av alkoholholdig drikk bokstav b
Rådmannen sitt framlegg til vedtak:

Alkoholpolitisk plan 2020 -2024 Del III Forskrift om sals-, skjenke- og opningstider - Sal og utlevering av alkoholholdig drikk bokstav b vert endra til:

Sal og utlevering av alkoholholdig drikk gruppe 1 på dagar før søn- og heilagdagar kan skje frå klokka 09.00 til klokka 18.00. Dette gjeld ikkje dagen før Kristi Himmelfartsdag. Påske-, pinse- og nyttårsaftan er salstida til klokka 16.00.

Politisk handsaming

Saka skal til uttale i eldreråd, råd for menneske med nedsett funksjonsevne
Saka skal til innstilling i utval for helse og omsorg
Saka skal avgjerast i kommunestyret

Bakgrunn

Alver kommune har vorte kontakta av daglegvarebutikkar som har salsløyve for alkoholholdig drikk gruppe 1 om sal og utlevering dagen før Kristi himmelfartsdag. I Forskrift om sals-,skjenke-og opningstider – del III i alkoholpolitisk plan, vedtatt i Kommunestyret 25.06.2020 står følgjane under punkt b :
Sal og utlevering av alkoholholdig drikk gruppe 1 på dagar før søn- og heilagdagar kan skje frå klokka 09.00 til klokka 18.00. Dette gjeld ikkje dagen før Kristi Himmelfartsdag, påske-, pinse- og nyttårsaftan, då er salstida til klokka 16.00.

I vedtatt forskrift kan det ikkje seljast alkohol etter klokka 16.00 dagen før Kristi Himmelfartsdag, medan det var tillete å selja alkohol fram til kl 20.00 denne dagen i tidlegare Meland, Radøy og Lindås kommune.

Saksopplysninger:

Lov av 2.juni 1989 nr.27 om omsetning av alkoholholdig drikk m.v. (alkoholoven) §3 -7

«Salg og utlevering av alkoholholdig drikk gruppe 1 kan skje fra kl. 08.00 til kl. 18.00. På dager før søn- og helligdager skal salget opphøre kl. 15.00. Dette gjelder ikke dagen før Kristi Himmelfartsdag.

Kommunestyret kan generelt for kommunen eller for det enkelte salgssted innskrenke eller utvide tiden for salg i forhold til det som følger av første ledd. Salg og utlevering av drikk som nevnt i første ledd er likevel forbudt etter kl. 20.00 på hverdager, og etter kl. 18.00 på dager før søn- og helligdager unntatt dagen før Kristi Himmelfartsdag. Det kan bestemmes at salg ikke skal finne sted til bestemte tider på dagen eller på bestemte ukedager. Salg og utlevering av drikk som nevnt i første ledd skal ikke skje på søn- og helligdager, 1. og 17.

mai.»

Denne paragrafen regulerer kva tidspunkt og dager det kan seljast alkoholhaldig drikk gruppe1 på for innahavar av kommunalt salsløyve.

Kommunen fastset sjølv salstidene innafor maksimaltidspunkta.

Då alkoholpolitisk plan m/forskrift var på høyring våren 2020 kom det ingen merknad på dette punktet. Det er ein moglegheit for at komma etter Kristi himmelfartsdag har blitt tolka som eit punktum. Dette då det var slik ordlyden i dei tre tidlegare kommunane sine forskrifter var, og ein har ikkje vore merksam på at salstida denne dagen er blitt innskrenka samanlikna med tidlegare.

Følgjer ein normaltida etter loven – alkoholova §3-7 første ledd, vert dagen før Kristi Himmelfartsdag rekna som alminnelig kvardag og ein kan såleis fastsetje salstida til kl 20.00.

Arkiv: <arkivID>
JournalpostID:
Sakshandsamar:
Dato: 07.04.2021

Saksframlegg

Saksnr.	Utval	Møtedato
	Utval for oppvekst, kunnskap og kultur	
019/21	Eldreråd	19.04.2021
022/21	Ungdomsråd	19.04.2021
020/21	Råd for menneske med nedsett funksjonsevne	19.04.2021

Temaplan for friluftslivets ferdsselsårer - oppstart

Rådmannen sitt framlegg til vedtak:

Utval for oppvekst, kunnskap og kultur vedtek oppstart av Temaplan for friluftslivets fedselsårer i Alver kommune.

Politisk handsaming

Saka skal til uttale i Ungdomsrådet, Råd for menneske med nedsett funksjonsevne og Eldrerådet. Saka skal avgjerast i utval for oppvekst, kunnskap og kultur.

Saka vert også sendt på høyring til kulturrådet og idrettsrådet, og evt uttale frå dei vert lagt fram i møtet i utval for oppvekst, kunnskap og kultur.

Bakgrunn

Det er eit nasjonalt mål at befolkninga skal utøva friluftsliv jamleg (jf. *Meld. St. 18 (2015–2016) «Friluftsliv – Natur som kilde til helse og livskvalitet»*), og det er grundig dokumentert at naturopplevingar og fysisk aktivitet har betydelege positive verknader både for psykisk og fysisk helse. På bakgrunn av dette initierte regjeringa i *Handlingsplan for friluftsliv* frå 2018 eit fleirårig prosjekt – *Friluftslivets ferdsselsårer*. Målet med prosjektet er å fremja planlegging, opparbeiding, skilting og merking av samanhengande nettverk av turstiar for for å sikra eit attraktivt tilbod til befolkninga med tanke på folkehelse, livskvalitet, bulyst og reiseliv.

Plan for friluftslivets ferdsselsårer i Alver kommune er tatt inn som temaplan i planstrategien i samband med rulleringa i 2021 og er også forankra i *Anleggsstrategi for Alver kommune 2020-2022*.

Saksopplysningar:

Turstiar og andre ferdsselsårer for friluftslivet finn ein overalt. Nokre er utan tilrettelegging og vert brukt sporadisk av nokon få personar, medan andre er tett på der mange folk bur og har høg bruksfrekvens og stor slitasje. I dag manglar det ei samla oversikt over kva som finst av turstiar i kommunen, kva som er tilstanden på dei ulike stiane og korleis dei vert nytta. Dette gjer at ein manglar eit viktig kunnskapsgrunnlag for arbeidet med å utvikla og prioritera tiltak for friluftslivet i kommunen.

Ein plan for friluftslivets ferdsselsårer i Alver kommune kan gjennom kartlegging av no-situasjonen for ferdsselsårer og bruken av desse gje kommunen eit viktig kunnskapsgrunnlag i arbeidet med friluftsliv i kommunen. Med det høge talet på turstiar og andre ferdsselsårer i kommunen er det likevel ikkje realistisk å gjennomføra ei kartlegging av alle desse i samband med dette planarbeidet. Rådmannen foreslår difor at ein avgrensar planen til å omhandla ferdsselsårene i nærområda til skular og nærsenter, samt ferdsselsårer med særleg høg bruksfrekvens og stort tilretteleggingsbehov som ligg utanfor nærsentra og skulestadene. Med denne avgrensinga vil ein få kunnskap om dei ferdsselsårene som er aller mest nytta, er utsett for mest slitasje og dermed har størst tilretteleggingsbehov.

Det er mål at planen skal:

- gje oppdatert kunnskap om ferdselsårer for friluftslivet og bruken av desse i alle sju nærsentra og kring alle skular i kommunen
- gje ei oversikt over tilretteleggingsbehovet på ferdselsårer og turmål i nærleiken av nærsentra og skulestadene og evt behov for tilrettelegging av nye ferdselsårer
- identifisera regionalt viktige ferdselsårer og behovet for tilrettelegging av desse
- gje oversikt over status for merking, skilting og gradering av turstiar og padleløyper etter nasjonal standard og sjå til at alle desse er meld inn til kartverket
- bidra til betre informasjon om ferdselsårer i kommunen ut til publikum
- identifisera problematiske startpunkt og tilkomst til stiar
- synleggjera potensielle og aktuelle konflikhtar med t.d. beitedyr, skogbruk, hundehald og viktige naturverdiar og foreslå løysingar for dette.
- vurderer tiltak for å sikra mykje brukte turstiar mot slitasje som følgje av høg bruksfrekvens og auka nedbørsmengd
- vera kunnskapsgrunnlag for kommuneplanen, t.d. leggja dei viktigaste stiane inn i plankartet til kommuneplanen sin arealdel.
- vera ein del av kunnskapsgrunnlaget som skal sikra areal for friluftslivet i samband med byggesaker og arealplanlegging
- Peika ut strategiar for arbeidet med friluftslivets ferdselsårer i planperioden

Planprosess

Planarbeidet skal følgja rettleiaren *M1292-2019: Plan for friluftslivets ferdselsårer* som Miljødirektoratet har utarbeida. I tråd med rettleiaren vil planprosessen bestå av fire steg:

1. Oppstart og forankring av prosjektet
2. Kartlegging av no-status med registrering av eksisterande data
3. Analysera og vurderer tiltak
4. Samanstilling vedtak av planen

Det er oppretta eit prosjekt med administrativ styring i samsvar med Alver kommune si prosjektstyring. Prosjektet høyrer til sektor samfunnsutvikling. Representantar frå Bergen og omland friluftsråd, turlaga, padleklubbane, kystlaga og bonde- og småbrukarlaga vil verta inviterte til å delta i referansegruppe. Det er også ynskjeleg med representantar frå dei ulike råda i referansegruppa. Skulane og lokale ressurspersonar vil verta førespurt om å bidra i samband med kartlegginga, og ein vil invitera interesserte til å koma med innspel. Om smittesituasjonen tillet det kan det verta aktuelt med innspelsmøte i løpet av planprosessen. Grunneigarar og andre som vert særskilt råka av forslag til nye tiltak vil verta kontakta spesielt, slik at dei får høve til å uttala seg og påverka planforslaget.

Plan for friluftslivets ferdselsårer skal samordnast og koordinerast med arbeidet med grøn mobilitet som skal resultera i mellom anna ein gåstrategi og ein sykkelstrategi, med kommunedelplan for kultur, idrett og friluftsliv, kommuneplanen sin samfunnsdel og kommuneplanen sin arealdel. Dei viktigaste og største tiltaka vil verta tatt med i handlingsplanen i Kommuneplan for kultur, idrett og friluftsliv.

Målet er at planen skal leggjast ut på høyring i løpet av hausten, og at den skal vera vedtatt i løpet av 2021.

Økonomi

Fylkeskommunen lyste i 2019 ut midlar til dette prosjektet som kommunane kunne søkja på. Både Radøy, Lindås og Meland kommunar søkte og fekk tildelt 60 000 kroner kvar til første del av arbeidet med plan for friluftslivets ferdselsårer i Alver kommune. Desse midlane er overført til gjennomføring av prosjektet i Alver kommune. Alver kommune har i tillegg søkt og fått tilsegn om kroner 60 000 kroner til gjennomføring av siste del av planarbeidet. Tilskota fylkeskommunen vil dekkja kommunen sine utlegg i samband med planprosessen, og ein del lønskostnader.

Arkiv: <arkivID>
JournalpostID:
Sakshandsamar:
Dato: 12.04.2021

Saksframlegg

Saksnr.	Utval	Møtedato
018/21	Eldreråd	19.04.2021
022/21	Råd for menneske med nedsett funksjonsevne	19.04.2021
021/21	Ungdomsråd	19.04.2021
	Utval for oppvekst, kunnskap og kultur	
	Alver kommunestyre	

Oppretting av prisar til kultur, idrett og frivilligheit i Alver kommune - NY BEHANDLING

Rådmannen sitt framlegg til vedtak:

Alver kommune innfører alternativ 4 - kulturpris og frivilligpris, slik det går fram av rådmann sitt framlegg.

Prisane skal delast ut første gong i 2021.

Politisk handsaming

Saka skal til uttale i ungdomsrådet, eldrerådet og råd for menneske med nedsett funksjonsevne.

Saka er sendt til uttale også til idrettsrådet og kulturrådet.

Saka skal til innstilling i utval for oppvekst, kunnskap og kultur

Saka skal avgjerast i kommunestyret

Bakgrunn

Saka var til behandling i OKK 10.11.20, men vart utsett. Saka vart sendt på ny høyring til frivillige lag/organisasjonar i Alver kommune 22. februar med høyringsfrist 19. mars 2021. Saka vart også lagt ut på Alver kommune si heimeside og gjort kjend i sosiale media.

Alver kommune skal ta stilling til om det skal innførast priser innan kultur- idrett og frivilligheitsområdet.

Utval for oppvekst, kunnskap og kultur hadde saka til behandling 10.11.20. Saka vart utsett.

OKK- 064/20 innstilling:

Utval for Oppvekst, kunnskap og kultur utset saka, og ber administrasjonen om tilleggsutgreiing på om ein av prisane bør vera uttrykk for Alversamfunnet si høgaste utmerking. Dersom det er kulturprisen som skal vera den høgaste utmerkinga, så må innhaldet i kultur- og frivilligprisen også vurderast.

Saksopplysninger:

Dei tre kommunane Radøy, Meland og Lindås, hadde ulik ordning med pristildeling.

Kommune	Kulturpris	Idrettspris	Frivilligpris	Merknad
Meland kommune	Kvart 4. år			Årleg tildeling av «kulturrosa»
Radøy kommune	Årleg tildeling	Delt ut annakvart år	Årleg tildeling	
Lindås kommune	Årleg tildeling	Lindås idrettsråd	Frivilligsentralen	

		delte ut pris årleg	delte ut pris årleg	
--	--	---------------------	---------------------	--

Mål for utdeling av priser

Alver kommune har eit aktivt organisasjonsliv med stort mangfald. Mange ulike lag innan kultur, idrett og frivilligheit gjer ein stor innsats. Felles for desse er at dei legg ned ein betydeleg grad av frivillig innsats for å bidra til å gjere Alver samfunnet til eit godt sted å vere.

Alver kommune ønskjer å innføre ein prisordning som ei anerkjenning for aktiv innsats innan kultur-, idrett -og frivilligheit.

Det kan synes som om dei mest nytta prisane i kommunal kultur- og idrettssektor, er følgjande;

Kulturpris: Ein kulturpris skal vere ein inspirasjon for einskildpersonar, lag og organisasjonar innan kulturfeltet.

Idrettspris: Som kulturprisen skal ein idrettspris vere ein inspirasjon, for utøvarar, trenarar og eldsjeler.

Frivilligpris: Ein frivilligpris skal vere ein inspirasjon for ein person eller ei gruppe som har gjort ein særskild frivillig innsats over fleire år, uavhengig av om det er innanfor kultur, idrett, helse- eller humanitært arbeid.

Kommunane praktiserer prisordninga på ulik vis. Nokre kommunar har fleire prisar, mens andre har berre ein pris.

Nokre døme frå kommunar i Vestland

Kommune	Pris	Merknad
Stord kommune	4 prisar 1.Målpris 2.Eldsjelpris 3.Seniorpris 4.Pris for god tilgjenge	3. Seniorprisen - Prisen vert gjeven som ei påskjøning i høve det eldre bidreg til i samfunnet 4.Pris for god tilgjenge er ein pris som omhandlar tilrettelegging for menneske med nedsett funksjonsevne.
Øygarden kommune	4 prisar 1.Folkehelsepris 2.Frivilligpris 3.Kulturpris 4.Tilgjengepris	4.Pris for god tilgjenge er ein pris som omhandlar tilrettelegging for menneske med nedsett funksjonsevne.
Voss kommune	2 prisar 1.Highland staupet – (ski) 2.Kulturpris	Highland staupet: Pokalen er gjeven av Hr. Andrew Highland for utdeling til den idrettsmann eller kvinne som ved avslutta sesong har synt best prestasjonar på ski.
Askøy kommune	4 priser 1.Kipekjerringa (kulturpris) 2.Askøybragden idrett 3.Askøybragden kultur 4.Frivilligpris	Askøybragden <u>Idrett:</u> Utmerkinga vert delt til den idrettsutøvar som har utført årets beste prestasjon, uansett idrettsgrein. <u>Kultur:</u> Utmerkinga vert delt ut til den utøvar som har utført årets beste kultur prestasjon, uansett sjanger.
Sunnfjord kommune	1 pris 1.Kulturpris	Kulturpris til kulturaktørar og – personar, innanfor det utvida kulturomgrep.

Må ein vere busett i Alver?

Det er viktig å drøfte om det berre er aktørar busett i Alver kommune som kan vere aktuelle for pris, eller om

aktørar busett utanfor Alver kommune, men med sitt virke i kommunen, kan vere aktuelle.

Aktørar innan kultur, idrett og frivilligheit busett i Alver kommune eller som har sitt virke i Alver kommune, kan også vere aktuelle kandidatar til pris. Ein må også ta stilling til om personar, lag eller institusjonar utanfor kommunen, som har bidratt til å gjere Alver kommune kjend utover landet på den kulturelle plan, vil kunne bli vurdert til pris.

Rådmannen har vurdert fire løysingar:

Alt 1: Tre prisar - kulturpris, idrettspris og frivillighetspris

Forslag: Ein kulturpris
Ein idrettspris
Ein frivilligpris

Innføring av tre prisar innan kultur, idrett -og frivilligheit vil vere eit tydeleg signal om at innsats innan alle tre område er like viktige. Dette alternativ vil stå fram som ei løysing der dei tre prisane er sidestilte.

Dei tre nemnde prisane vil vere ein påskjønning for innsats og vere ein inspirasjon for andre innan dei tre områda.

I situasjonar der einskild person, lag eller institusjon utmerka seg med særleg resultatoppnåing, vil denne løysinga ikkje gje rom for ekstraordinær anerkjenning.

Alt 2: Overgripande kulturpris

Forslag: Overgripande kulturpris som famnar aktørar innan kultur, idrett og frivilligheit
Idrettspris
Frivilligpris

Om kulturpris står fram som Alver samfunnets høgaste utmerking, vil alle innan kultur, idrett og frivilligheit vere aktuelle for prisen. Kulturprisen vil tydeleg representere den største anerkjenning Alver kommune kan gi for innsats innan kultur, idrett og frivilligheit. Kulturpris vil vere open for forslag frå alle lag/organisasjonar som jobbar innan den utvida kulturomgrepet.

Frivilligpris og idrettspris skal påskjønne innsats/måloppnåing innan frivilligheit og idrett. Kulturpris skal påskjønne innsats/måloppnåing innan kulturfeltet, men kan også nyttas til å påskjønne ekstraordinær innsats/måloppnåing innan idrett og frivilligheit. Kulturprisen vil då fungera som Alver kommune si høgaste utmerking innan det utvida kulturbegrep.

I praksis vil denne løysinga kunne medføre at aktørar innan idrett eller frivilligheit kan bli tildelt både kulturpris og idrettspris/frivilligpris same år. Aktørar innan kulturområdet kan oppleve dette som ein slags nedvurdering av deira innsats, at dei ikkje har ein eige pris slik som idrettspris og frivilligpris.

Alt 3: Ein felles pris for det utvida kulturbegrep

Forslag: Felles kulturpris som famnar det utvida kulturomgrepet

I dette alternativet ser ein på kulturpris som famnar det utvida kulturomgrepet – kultur, idrett og frivilligheit.

«Et utvidet kulturbegrep omfatter både det 'tradisjonelle' området: litteratur, kunst og kulturvern, ungdomsarbeid og idrett, men dertil også skapende fritidsvirksomheter som kan gi utfoldelse av egne anlegg og interesser.

Sitat: «Ny kulturpolitikk. Tilleggsmelding til Stmeld nr 8. Stortingsmelding nr. 52»

Ein felles pris for området kultur, idrett og frivilligheit vil tydeleggjere betydninga av prisen. Ulempa med dette er at det kan vere vanskeleg for små lag/organisasjonar å nå fram i konkurranse med store, kjende aktørar. Dette er ein problemstilling som jury for prisen vil kunne ta omsyn til.

Alt 4 Kulturpris og frivilligpris

Forslag: Kulturpris som famnar kultur og idrett
Frivilligpris

Ein kulturpris skal gå til einskildpersonar, institusjonar eller organisasjonar som har utmerka seg ved framifrå innsats innan det utvida kulturomgrep. Prisen skal vere Alver kommune sin høgst hengjande pris for innsats over lang tid.

I tillegg til kulturpris, tilrår rådmann ein frivilligpris. Frivilligpris handlar om å inspirere innbyggjarane til auka frivillig innsats samt sette fokus på frivillig aktivitet sin betydning for kommunens innbyggjarar.

Frivilligheit finn vi innan m.a. kultur, idrett og humanitært arbeid.

Ein eige pris for frivilligheit vil understreke betydninga av frivilligheitas eigenverd.

Det er ingen automatikk i at talet på priser førar til meir aktivitet eller entusiasme. Saka handlar om å velje den beste løysinga som kan påskjønne innsatsen innan kultur-, idrett- og frivilligheit.

Innkomne høyringsuttale

Det er kome 7 høyringsuttale.

Alversund mållag

I høyringsfråsegn datert 24.02.21 skriv Alversund mållag;

«Tre jamstilte prisar er eit gode, då det ikkje vektar innsats på eitt felt opp mot eit anna. Alver kommune vil gjennom sjølve markeringa og gjennom grunngjevingane stadfesta den statusen prisane skal få.»

Alversund kammerkor

I høyringsfråsegn datert 08.03.21 skriv Alversund kammerkor;

«Alversund kammerkor støttar alternativ 1 frå rådmannen: Alt 1: Tre prisar -kulturpris, idrettspris og frivilligheitspris»

Alver kulturråd

I høyringsfråsegn datert 25.09.20 skriv Alver kulturråd;

«Styret i Alver kulturråd er nøgd med at dei som mottar kommunal utmerking ikkje berre kjem frå det som er kulturelatert og idrettsrelatert aktivitet. Det er viktig at kandidatar frå alle samfunns sektorar kan bli heidra, som til dømes innan religiøst arbeid, helserelatert arbeid, humanitært arbeid og seniorarbeid. [...]Styret i Alver kulturråd meiner at rangering av prisane er ein vanskeleg veg å gå. Då vil ein vekte frivillig aktivitet mot ein annan frivillig aktivitet. Styret er difor nøgd med at prisane har likelydande statuttar, premie og jury.»

Alver kulturråd held fast ved denne vurderinga. Tre likeverdige prisar utan skilje i status vil gje det beste høvet til å påskjønna den samla frivillige innsatsen i Alver kommune.

Alver idrettsråd

I høyringsuttale datert 19.03.21 skriv Alver idrettsråd

«Framlegg til uttale: Alver idrettsråd vil rå til at det vert oppretta 4 prisar i Alver kommune:

1. Kulturprisen, 2. Frivilligprisen, 3. Kulturstipend, 4. Idrettsstipend

Grunngjeving:

1. Kulturprisen

Kulturprisen skal vera Alver kommune si høgaste utmerking og ei anerkjenning for framifrå innsats innan kultur, idrett eller frivilligheit over lang tid.

Kulturprisen skal vera sett saman av ein diplom og eit kunstverk, fortrinnsvis av ein lokal kunstnar.

2. Frivilligprisen

Frivilligprisen skal vera ein pris for særleg frivillig innsats innan kultur, idrett, humanitært arbeid eller helse over fleire år. Prisen omfattar såleis frivillig innsats både innan og utanfor «det utvida kulturfeltet»

Frivilligprisen skal vera sett saman av ein diplom og eit pengebeløp.

3. Kulturstipend

Kulturstipendet skal vera ei påskjøning til utøvarar/ledere som i året har synt gode talent/resultat innan kultur, uansett sjanger.

Kulturstipendet skal vera sett saman av ein diplom og eit pengebeløp avgrensa til kr. 30.000,-. Det kan delast ut inntil 3 stipend årleg

4. Idrettsstipend

Idrettsstipend skal vera ei påskjøning for utøvarar/trener/leder/dommer som i året har synt gode talent/resultat innan idrett, uansett idrettsgrein .

Idrettsstipendet skal vera sett saman av ein diplom og eit pengebeløp avgrensa til kr. 30.000,-. Det delast ut inntil 3 stipend årleg.»

Nordhordland turlag

I høyringsuttale datert 19.03.21 skriv Nordhordland turlag;

«Turlaget foreslår at kommunen har ein kulturpris, dvs. ein pris som i saksutgreiinga omtalast som overgripande kulturpris som famnar alle organisasjonar. Denne vil henge høgt og truleg verte tildelt for «lang og tru teneste». Det skal vere ei stor anerkjenning å få ein slik pris.

Ein kulturpris i vid forstand bør opprettast. Den vil truleg vert ein «heiderspris» for langvarig innsats. Ein Frivilligpris kan gjerne verte tildelt lag eller personar som har bidrege på viktige område i eit mykje kortare tidsperspektiv.»

Meland helselag

I høyringsuttale datert 17.03.21 skriv Meland helselag;

«Styret i Meland Helselag vil prinsipielt tilrå at det vert oppretta 3 årlege prisar: «Det bør vera tre prisar i ein kommune med 30.000 innbyggjarar: ein kulturpris, ein idrettspris og ein friviljugpris»

Nordhordland Rotary

I høyringsuttale motteke 12.03.21 skriv Nordhordland Rotary;

«Nordhordland Rotaryklubb har ikkje ei samla meining om kva modell som kan vera den kommunen bør gå for, men klubben har sidan 1991 hatt sin eigen pris – Kvardagshelten – som vi vonar kan vera nyttig for kommunen å ha kjennskap til i den pågåande prosessen.»

Kommentar

Det er knytt lange tradisjonar til kulturlivet i Alver gjennom mange generasjonar, både det tradisjonelle kulturliv og det som omfattast av det utvida kulturomgrep. Mange frivillige legg ned eit stort arbeid kring i alle bygdene, gjennom idrett-, kultur-, kyrkje- og humanitært arbeid. Til saman bidreg dei alle til at Alver kommune er eit godt sted å leve.

Alle som har sendt høyringsuttale skriv at dei sett pris på at Alver kommune ønskjer å anerkjenne dette arbeidet gjennom tildeling av prisar.

Dei som støttar rådmann sitt forslag nr 1

Det kan synes som om fleirtalet av dei innsendte høyringsuttale ønskjer at det vert innført tre prisar; kulturpris, idrettspris og frivilligpris – Alversund mållag, Alversund kammerkor, Alver kulturråd og Meland helselag.

Alver kulturråd, som representerer 46 lag/organisasjonar, skriv at *Styret i Alver kulturråd meiner at rangering av prisane er ein vanskeleg veg å gå. Då vil ein vekte frivillig aktivitet mot ein annan frivillig aktivitet. Styret er difor nøgd med at prisane har likelydande statuttar, premie og jury.*

Dei lag/organisasjonar som støttar forslag 4 – kulturpris og frivilligpris

Det synes som at Alver idrettsråd støttar rådmann sitt forslag nr 4. Idrettsrådet representerer meir enn 40 lag, og tek til orde for at *«kulturprisen skal vera Alver kommune si høgaste utmerking og ei anerkjenning for framifrå innsats innan kultur, idrett eller frivilligheit over lang tid. Frivilligprisen skal vera ein pris for særleg frivillig innsats innan kultur, idrett, humanitært arbeid eller helse over fleire år. Prisen omfattar såleis frivillig innsats både innan og utanfor «det utvida kulturfeltet».* Idrettsrådet tek også til orde for kultur- og idrettsstipend. Denne ordninga blei innført i 2020.

Nordhordland turlag skriv i si høyringsuttale at ein kulturpris som famnar alle lag/organisasjonar, vil vere eit høgt hengjande pris for «lang og tru teneste». I tillegg til kulturpris, ønskjer laget ein frivilligpris til lag/organisasjonar som har bidrege på viktige område i eit mykje kortare tidsperspektiv.

Konklusjon

Etter gjennomgang av høyringsdokument, tilrår rådmann alternativ 4 – Kulturpris og frivilligpris.

Vedlegg i saken:

12.04.2021	Statuttar	1541335
12.04.2021	Alver kulturråd	1540248
09.04.2021	Alversund kammerkor	1540250
09.04.2021	Alversund mållag	1540251
09.04.2021	Meland helselag	1540254
09.04.2021	Nordhordland Rotaryklubb vedlegg 1 Kvardagshelter	1540255
09.04.2021	Nordhordland Rotaryklubb	1540257
09.04.2021	Nordhordland turlag	1540258
09.04.2021	Alver idrettsråd	1540247

Arkiv: <arkivID>
JournalpostID:
Sakshandsamar:
Dato: 12.04.2021

Saksframlegg

Saksnr.	Utval	Møtedato
021/21	Råd for menneske med nedsett funksjonsevne	19.04.2021

Meldingar og orienteringar til RMNF - 19.04.2021

Rådmannen sitt framlegg til vedtak:

Meldingar og orienteringar vert teke til orientering.

Politisk handsaming

Saka skal til avgjerast i råd for menneske med nedsett funksjonsevne

Bakgrunn

Saksopplysninger:

Det vert lagt fram følgjande meldingar og orienteringar:

1. Status korona v/kommunalsjef Leni Dale
2. Plan for innflytting i helsehuset v/kommunalsjef Leni Dale

Desse orienteringane vert gitt i felles orienteringsmøte for ER/RMNF/UR.